



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

მზეჭაბუკი, ჯაყელი

მზეჭაბუკი, ჯაყელი (1447-53 შორის, - 1515), სამცხის ათაბაგი 1500-15, *ყვარყვარე II* ის ძე. გაათაბაგდა თავისი ძმის, *ქაიხოსრო II* ის შემდეგ. წყაროების მოწმობით, თავდაპირველად ქართლის მეფესა და მ-ს მშვიდობიანი ურთიერთობა ჰქონდათ, თუმცა პოლიტიკურად ძლიერი სამცხისათვის, რ-მაც ამ პერიოდში ოსმალებთან ზავის შედეგად ჭანეთისა და აჭარის შემოერთებაც შეძლო, მნიშვნელოვანი კვლავ ეკლესიური დამოუკიდებლობა, შესაბამისად კი ანყურის ეპისკოპოსის ამაღლება გახდა. ამისათვის მ-მა სამცხეში საკალმასოდ ჩამოსული ანტიოქიის პატრიარქი დოროთეოსი გამოიყენა. მ-ის მმართველობის დროს მისივე შეკვეთით შეიქმნა დოკუმენტი „ნიგნი ანტიოქიის პატრიარქის დოროთეოსისა მანყვერელისათვის კურთხევის უფლების მინიჭების შესახებ“, ხოლო ბერძნულ ენაზე შექმნილი ნიგნი „კონსტანტინოპოლში ღვთის უწმინდესი დიდი ეკლესიის დიდი რიტორის - მანუელის გარდამოცემა ანყურში მყოფი ჩვენი ყოვლადწმიდა დედოფლის, ღვთისმშობლისა და მარადქალწული მარიამის სათაყვანებელი ხატისა და მის მიერ სხვადასხვა დროს ქმნილ სასწაულთა შესახებ“ სრულად ეხმიანება მ-ის პოლიტიკის იმდროინდელ ტენდენციას. წყაროში მ. მოხსენიებულია როგორც სამეფოს მემკვიდრე (ქაიხოსროს შემდეგ) და თვითმპყრობელი. შექცეულია მისი სულიერი და ფიზიკური თვისებები, სიქველე როგორც უცხოელებისა და ღარიბების მიმართ, ისე შეწირულობები ეკლესია-მონასტრებისადმი. მ-მ იცოდა საღმრთო წერილი, აგრეთვე არაბული, სპარსული და თათრული ენები.

1515 მ. ბერად შედგა იაკობის სახელით. სამცხემ ეკლესიური დამოუკიდებლობა როგორც ჩანს 1518-მდე შეინარჩუნა, თუმცა ათაბაგთა ბრძოლას ეკლესიური დამოუკიდებლობის მოსაპოვებლად შედეგი არ მოჰყოლია.

წყარო: ახალი ქართლის ცხოვრება, მესამე ტექსტი, წგ. ქართლის ცხოვრება, ტ. 2, თბ., 1959; ვახუშტი, აღწერა სამეფოსა საქართველოსა, იქვე, ტ. 4, თბ., 1973; სამხრეთ საქართველოს ისტორიის მასალები (XV-XVI სს.). ტექსტი, პუბლიკაცია, გამოკვლევები და საძიებელი ქრ. შარაშიძისა, თბ., 1961; შარაშიძე ქ., საქართველოს ისტორიის მასალები XV-XVIII სს. „მასალები საქართველოსა და კავკასიის ისტორიისათვის“. 1954, ნაკვ. 30.

ლიტ.: ზ ა ლ დ ა ს ტ ა ნ ი შ ვ ი ლ ი მ., „მანუილის მოთხრობა ანყურის ხატის შესახებ“ (დათარიღებისა და ავტორობის საკითხისათვის), „არტანუჯი“, 1996, #5; მ ი ს ი ვ ე , კიდევ ერთხელ ათაბაგთა განკერძოების შესახებ, მაცნე, ისტ. არქეოლ.; ეთნოგრ. და ხელოვნ. ისტორიის სერია“, 2012, #2; ჯ ა ვ ა ხ ი შ ვ ი ლ ი ივ., ქართველი ერის ისტორია, თბ., 1982, (თხზ. თორმეტ ტომად, ტ. 3); Б а р т и к и я н Р. М., Приписываемый Мануилу, великому ритору Константинопольской патриархии (первая половина XVI века) панегирик государям Самцхе-Саатабаго Кваркваре II, Каихосрою и Мзечабуку, "თსუ შრომები", 1987, ტ. 266.

მ. ზალდასტანიშვილი
